

傳青主先生女科

龍景堯藏本



傅青主先生著

女科

潛居
逸叟



南京中医药大学图书馆版权所有

光緒四年七月
青霞閣張氏刊

板存上海邑廟園
內翼化堂善書坊



序

執成方而治病古今之大患也昔人云用古方治今病如拆舊屋
蓋新房不經大匠之手經營如何得宜誠哉是言昔張仲景先生
作傷寒論立一百一十三方言後世必有執其方以誤人者甚矣
成方之不可執也然則今之女科一書何爲而刻乎此書爲傅青
主徵君手著其居心與仲景同而立方與仲景異何言之仲景傷
寒論雜症也有五運六氣之殊有中表傳裏之異或太陽太陰不
一其稟或內傷外感不一其原或陽極似陰陰極似陽不一其狀
非精心辨症因病製方斷不能易危就安應手卽愈此書則不然
其方專爲女科而設其症則爲婦女所同帶下血崩調經種子以

及胎前產後人雖有虛實寒熱之分而方則極平易精詳之至故
用之當時而效傳之後世而無不效非若傷寒雜病必待臨症詳
審化裁通變始無貽誤也嘗慨後世方書汗牛充棟然或偏攻偏
補專於一家主熱主寒堅執謬論炫一己之才華失古人之精奧
仲景而後求其貫徹靈素能收十全之效者不數數覩讀徵君此
書談症不落古人窠臼制方不失古人準繩用藥純和無一峻品
辨症詳明一目了然病重者十劑奏功病淺者數服立愈較仲景
之傷寒論方雖不同而濟世之功則一也此書晉省鈔本甚夥然
多秘而不傳間有減去藥味錯亂分量者彼此參證多不相符茲
不揣冒昧詳校而重刊之竊願家置一編遇症翻檢照方煎服必

能立起沈疴並登壽域或亦濟人利世之一端也夫

道光十一年新正上元同里後學祁爾誠謹序



南京中醫藥大學圖書館版權所有

序

昔范文正公有言曰不爲良相卽爲良醫蓋相之所以稱良者因其能變理陰陽以生民醫之所以稱良者亦因其調和陰陽以活人故良相良醫其揆一也上古神農之嘗草黃帝之內經其開天明道固無論矣而葛仙翁之肘後孫真人之千金不僅活一世之人并能活萬世之人矣夫醫者意也意不可以預定按脈辨證因時立方變化於神明之中而又揆之於理而已若使執古方以治今病則難經素問深奧難窮卽使東垣祇循仲景立齋務軌丹溪肺腑能語必有啗其寡當者矣古方者先醫以意爲之而時移氣變先醫之意盡矣必濟以我之意斯變化出焉徵君傅青主先生

爲前朝遺老隱居岵嶠山中自號朱衣道人其孤忠亮節昭著一時固已名垂不朽而醫學一道先生亦嘗究心研慮必求心手相應而後已世所傳女科二卷產後編二卷雖吉光片羽不足以見先生之著述然先生善用其意明達其理甚非尋常方書可比其立方也皆本乎古方而能運以己意以治今病靡不捷如影響眞所謂調和陰陽以活人良醫之功與良相同也其書爲金陵葉氏集資所刻置板刻字店中去歲不戒於火猝遭回祿余不能醫然苟有可以濟人之事無不勉力願爲凡膏丹丸散屢試屢驗者卽錄方配合以冀施送於人數年來竟至臣門如市今得先生之書如獲至寶惜板已燬亟出資付諸剞劂刷印分送友人以廣其傳

余生也晚徒仰先生之爲人每以不得親炙爲恨茲刻是書益歎
先生之於小技實通乎神若此爰不揣固陋敬誌數語於簡末
光緒四年歲在戊寅孟秋之月邗江張國英雲溪氏序於滬上之
懷清堂



序

傅青主先生以行誼儒宗而神於醫世所傳軼事甚夥往往多涉
怪異究其所以神者固不在此所著女科二卷產後編三卷論種
精詳方皆平易洵足利益於人惜世鮮行本近海山僊館刻置叢
書中卷帙既富購者頗難因爲別刊一本以廣其傳如布帛粟菽
取給日用庶亦先生著書濟世之意也乎刻既成敬識數語以質
同好云

道光二十九年歲己酉夏五月張亨鈺書於恩平縣署之黃石軒



女科上卷目錄

共三十八條三十
九症四十一方

帶下

白帶 完帶湯

青帶 加減逍遙散

黃帶 易黃湯

黑帶 利火湯

赤帶 清肝止淋湯

血崩

昏暗 固本止崩湯

年老血崩 加減當歸補血湯



少婦血崩 固氣散

交感血出 引精止血湯

鬱結血崩 平肝開鬱止血湯

閃跌血崩 逐瘀止血湯

血海太熱血崩 清海丸

鬼胎

婦人鬼胎 蕩鬼湯 紅花霹靂散

室女鬼胎 蕩邪散 調正湯

調經

經水先期 水火太旺清經散 火旺水虧兩地湯



經水後期 溫經攝血湯

經水先後無定期 定經湯

經水數月一行 助仙丹

年老經水復行 安老湯

經水忽來忽斷時疼時止 加味四物湯

經水未來腹先疼 宣鬱通經湯

行經後小腹疼痛 調肝湯

經前腹疼吐血 順經湯

經水將來臍下先疼痛 溫臍化濕湯

經水過多 加減四物湯



經前先洩水 健固湯

經前大便血 順經兩安湯

年未老經水斷 益經湯

種子

身瘦不孕 養精種玉湯

胸滿不思食不孕 并提湯

下部冰冷不受孕 温胞湯

胸滿少食不受孕 温土毓麟湯

少腹急迫不受孕 寬帶湯

嫉妬不孕 開鬱種玉湯



肥胖不受孕 加味補中益氣湯

骨蒸夜熱不受孕 清骨滋腎湯

腰酸腹脹不受孕 升帶湯

便澁腹脹足浮腫不受孕 化水種子湯



女科上卷

陽曲傅山青主手著

白帶下

夫帶下俱是濕症而以帶名者因帶脈不能約束而有此病故以
 名之蓋帶脈通於任督任督病而帶脈始病帶脈者所以約束胞
 胎之系也帶脈無力則難以提繫必然胞胎不固故曰帶弱則胎
 易墜帶傷則胎不牢然而帶脈之傷非獨跌閃挫氣已也或行房
 而放縱或飲酒而顛狂雖無疼痛之苦而有暗耗之害則氣不能
 化經水反變為帶病矣故病帶者惟尼僧寡婦出嫁之女多有之
 而在室女則少也况加以脾氣之虛肝氣之鬱濕氣之侵熱氣之



婦科一門最屬難治不難於用方難於辨症也五帶症辨之極明立方極善倘用之不效者必其人經水不調須於調經種子二門參酌治之無不見效即如白帶症倘服藥不效其人必經水過期少腹急迫宜服寬帶湯餘宜類參方見三十三

逼安得不成帶下之病哉故婦人有終年累月下流白物如涕如唾不能禁止甚則臭穢者所謂白帶也夫白帶乃濕盛而火衰肝鬱而氣弱則脾土受傷濕土之氣下陷是以脾精不守不能化榮血以爲經水反變成白滑之物由陰門直下欲自禁而不可得也治法宜大補脾胃之氣稍佐以舒肝之品使風木不閉塞於地中則地氣自升騰于天上脾氣健而濕氣消自無白帶之患矣方用完帶湯

白朮

一兩
土炒

山藥

一兩
炒

人參

二錢

白芍

五錢
酒炒

車前子

三錢
酒炒

蒼朮

三錢
製

甘草

一錢

陳皮

五分

黑芥穗

五分

柴胡

六分